

1176

308

07



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA

PRAVILNIK

o dodjeli jednokratne novčane pomoći za svako novorođeno dijete na teritoriji grada Zenica

Mart, 2022. godine

Na osnovu člana 34. i 117. Statuta Grada Zenica („Službene novine Grada Zenica“ broj: 05/15), a u vezi s članom 11. stav (2) i članom 152. stav (1) tačka h) Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona“, broj: 13/07, 13/11, 3/15 i 2/16), Gradonačelnik Grada Zenica d o n o s i

PRAVILNIK

o dodjeli jednokratne novčane pomoći za svako novorođeno dijete
na teritoriji grada Zenica

Član 1.

Ovim pravilnikom se utvrđuje pravo na jednokratnu novčanu pomoć za svako novorođeno dijete na teritoriji grada Zenica, njena visina, postupak i način ostvarivanja prava i druga pitanja od značaja za priznavanje prava (u daljem tekstu: Pravilnik).

Član 2.

Pravo na jednokratnu novčanu pomoć ostvaruje roditelj pod sljedećim uslovima:

- a) ako jedan od roditelja djeteta ima prijavljeno prebivalište na teritoriji grada Zenica i to u trajanju od najmanje dvije godine do dana podnošenja zahtjeva i
- b) roditelj čije je dijete upisano u matičnu knjigu rođenih na teritoriji grada Zenica u periodu od 01.01. do 31.12. tekuće kalendarske godine.

Član 3.

(1) Jednokratna novčana pomoć za svako novorođeno dijete obezbjeđuje se u Budžetu Grada Zenica i iznosi 230,00 KM.

(2) Jednokratnu novčanu pomoć iz stava (1) ovog člana odobrava Gradonačelnik zaključkom, na prijedlog Službe za socijalnu zaštitu, stambene poslove i društvene djelatnosti, a prema dostavljenim zahtjevima.

Član 4.

(1) Zahtjev za ostvarivanje prava na jednokratnu novčanu pomoć podnosi se na propisanom obrascu, koji čini sastavni dio ovog pravilnika.

(2) Jednokratna novčana pomoć za svako novorođeno dijete se dodjeljuje na osnovu podnesenog zahtjeva iz stava (1) ovog člana i raspoređuje se prema redoslijedu zaprimanja.

(3) Podnosioci zahtjeva su dužni dostaviti sljedeće:

- a) zahtjev na propisanom obrascu,
- b) prijavu prebivališta za oba roditelja i novorođeno dijete (CIPS),
- c) ovjerenu izjavu jednog roditelja da ima prebivalište na teritoriji grada Zenica najmanje dvije godine do dana podnošenja zahtjeva,

- d) izvod iz matične knjige rođenih za dijete i
- e) potvrdu o otvorenom tekućem računu iz banke za roditelja/podnosioca zahtjeva.

Član 5.

Zahtjev s pratećom dokumentacijom, u originalu ili ovjerenoj kopiji, kojom se dokazuje ispunjenost uslova dostavlja se Službi za socijalnu zaštitu, stambene poslove i društvene djelatnosti putem Protokola Grada Zenica, Trg BiH broj 6.

Član 6.

(1) Služba za socijalnu zaštitu, stambene poslove i društvene djelatnosti dužna je obraditi zahtjev u roku od 30 dana od dana podnošenja zahtjeva.

Član 7.

Neriješeni zahtjevi za ostvarivanje prava na jednokratnu novčanu pomoć, podneseni prije stupanja na snagu ovog pravilnika, biće razmatrani u skladu s odredbama ovog pravilnika.

Član 8.

Ovaj pravilnik stupa na snagu narednog dana od dana objave na službenoj stranici i oglasnoj ploči Grada Zenica.

Broj: 02-31-3585/22
Zenica, 10.03.2022. godine





Podnosilac zahtjeva

Obrazac:

Služba za socijalnu zaštitu, stambene
poslove i društvene djelatnosti

Ime i prezime

Adresa

Broj telefona

e-mail adresa

Prijemni pečat:

**PREDMET: ZAHTJEV ZA OSTVARIVANJE JEDNOKRATNE POMOĆI ZA SVAKO
NOVOROĐENO DIJETE**

POTREBNA DOKUMENTACIJA

Traženi dokument	Institucija koja izdaje dok.	Forma	Komentar
Prijava prebivališta za oba roditelja i novorođeno dijete (CIPS)	MUP ZDK	Orginal	/
Ovjerena izjava jednog roditelja da ima prebivalište na teritoriji grada Zenica najmanje dvije godine do dana podnošenja zahtjeva	Organ nadležan za ovjeru potpisa	Orginal	/
Izvod iz matične knjige rođenih za dijete	Matični ured	Orginal	/
Potvrda o otvorenom tekućem računu iz banke za roditelja/podnosioca zahtjeva	Banka	Orginal	/

Rok za rješavanje predmeta sa potpunom dokumentacijom 30 dana

(datum podošenja zahtjeva)

(potpis podnosioca/podnositelja zahtjeva)